

AKASHVANI AIZAWL

REGIONAL NEWS BULLETIN

Date – 06/11/2025 Time - 7:30 -7:40 Hrs

HEADLINES (MORNING)

- Dampa Assembly bial By-Election atana Home Voting Team-te chuan Dampa bial chhung lut tanin, in lama vote thlaktir turin an kalchilh.
- 2. Aizawla Skill Training kalpuina tur Model Centre chu Aizawla Edenthlar Vengah nimir khan hawn a ni.
- 3. Tukin dar 7 atang khan Bihar assembly inthlan thawh khatna atan vote thlak tan a ni.
- 4. Uttar Pradesh-ah nimir khan Mirzapur-a Chunar Rel Station-ah Kalka-Howrah Mail rel-in sakhaw thila zin mi 6 a chil hlum..

<><><>

DAMPA BY ELECTION

Dampa Assembly bial By-Election atana Home Voting Team-te chuan Dampa bial chhung lut tanin, Home Voting atana dilna lutte an awm hmuna vote thlaktir turin an kalchilh.

Karleh thawhlehi ni 11-a, Dampa biala By-Election vote thlak turah hian Election Commission of India-in a phal ang leh Home Voting atana phalna a pekte atangin kalchilha vote thlak dilna form 12 leh 12A atanga dilna lut kum upa kum 85 chunglam leh pianphunga rualbanlo voters 5 te'n vote hi an thlak dawn a ni.

Home Voting Team-te hi Team 4 ah inthnin, an chhuah hma hian Pu Lalnunfela Chawngthu, Election Officer hovin an tiktur leh mawhphurhna hrang hrangte inhrilhhriat nawn leh a ni a. 2-Dampa(ST) AC bial chhung polling station 19 atangin, Home Voting dilna hi lut a awm a ni.

Hetihlai hian, Dampa bial inthlan campaign chu ngawrh chhoh zel a ni a, Union Minister of State Pu George Kurian chuan Dampa bye-election lo awm tura campaign turin nimir khan Mizoram a lo thleng a,

Pu George Kurian, Union Minister of State for Fisheries, Animal Husbandry and Dairying, and Minority Affairs changtu chuan, nimir vek hian Darlung Khua ah Public Meeting neih na ah thusawin Kerala atanga Dampa biala a Campaign nachhan chu, Dampa bial hian Development an hmuh ve theihna tur atana lo kal a ni

a ti a, BJP thupui ber chu Development a nih avangin, Mizoram hmangaih êm êm tu PM Modi chuan, tun hnaiah pawh cheng vbc 8000 sengin Mizoram khawpui tlawh pawh thei turin Railway thar Mizoram a pe a ni. Hei hian han Mizoram tan inkalpawhna a ti awlsam a, Delhi, Kolkata leh Guwahati te tunah chuan hun rei lo te chhungin man tlawm takin an tlawh pawh thei ta a ni a ti.

Pu George Kurian hian Darlunga hun ahman zawh ah, Kanghmun, Bawlte, Lungphun, Hreichhuk, West Lungdar ah te Public Meeting nei turin ruahman a ni a, hei bakah hian Reiek Khua ah BJP Member-te a kawm bawk a ni.

Byte : Union Minister Pu George Kurian

MNF candidate Dr. R. Lalthangliana chuan nimin khan West Lungdar, Chungtlang, Rulpuihlim, Reiek leh Ailawng khuaah kalin, ZPM Ex-Unit President hovin mi eng emaw zat a lawm lut a. MNF Candidate chuans enchhin boruak a reh tawh a, rawng Eng chu a dal tial tial a, a pawl rawng a tak tial tial tih sawiin thlantlin a nih chuan zirna In leh Nu leh Pa rûm mekna Thalai ruihhlo ngaite chhanchhuak turin NGO leh Kohhranho nen tangkawpin theih tawpa hmalak a ni dawn tih a sawi.

MPCC President Pu Lal Thanzara pawhin Dampa bial bye election lo awm tur atan W Phaileng ah Congress worker ten infuihtharna hun an buatsaih a hmanpui a. Pu Lal Thanzara chuan Mizoram Chief Minister Pu Lalduhoma’n Silisuri khuaa a campaign na ah Chakma vote duh avangin chi leh chi inhuatna lam rawngkaiin thu an sawi a ti a, Chief Minister in Chakma te fuihpawrh zawnga thu a sawi chu pawl an tih thu sawiin Mizoramah Congress an sawrkar loh chuan mipui te tawrhna a thleng thin tih sawiin Mizoram mamawh ber chu Congress sawrkar tir leh a ni a ti tih a sawi.

ZPM pawhin campaign chhunzawm zelin Adviser to CM (Finance) Pu TBC Lalvenchhunga chuan State sawrkar pawmpuina tellovin state chhunga hmasawmna hnathawh sawrkar laipuiin a sanction ngailo a ti a, Bye Election Campaign-naah eptu party ten State sawrkar thlawhkhumin bial chhungah Central atangin Development Project huilut thei angin an insawi chu thu belhchian dawlo ani tih sawiin ZPM sawrkar hriatpuina zel a ngaih thu a sawi bawk.

<><><>

CM

Chief Minister Pu Lalduhoma’n ZPM Sawrkar hnuaia hnathawh hrang hrangah a chhia a awm chuan action an la dawn a, Project Monitoring Committee in hnathawh hrang hrang an endik zel dawn a ti.

Nimina Siaha Bazar Traffic Point-a ZPM Vantlang inkhawm a hmanpui na ah he thu hi sawiin Pu Lalduhoma chuan ZPM sorkarna hnuaia Monitoring Committee chuan Project 40 chuang an endik tawh a ti a, an sawrkar hmaa hnathawh chu chhe viau mahse hnathawhna pekchhuah tawh anih avangin thlak danglam a harsa tawh a ti a, an sawrkar hnuah erawh hnathawh a tha tawh dawn tih a sawi.

Chief Minister chuan an sawrkar hnuah a hun taka office kala hun taka ban a nih tawh tih a sawiin, sorkar hnathawh te chu mipui chhiah tlingkhawm atanga hlawh neih an ni a, an sorkarah chuan an hnathawh hunbi te chu an vil reng a, hun bi neih a thil an kalpui tawh a vang in hnathawh pawh a sawt tawh hle tih sawiin ZPM Sawrkar hnuaiah a hun taka hlawh lak ani tawh tih a sawi.

He hun hmanah hian ZPM Leader hian mi 1342 chu ZPM party ah a lawm lut a, ZPM Leader in a lawmluh zingah hian MDC ni lai pathum bakah party-a mi 1342 lai lut thar chuan an sorkar hnathawh that zia a lantir thu a sawi.



SKILL TRAINING CENTRE

Aizawla Skill Training kalpuina tur Model Centre chu Aizawla Edenthar Branch YMA Committee Roomah nimin khan hawn a ni a. He Skill Training hi School Education Department hnuaia Adult Education Wing hnuaia din a ni.

Hetiang Skill Training Kum 2020-2021 atanga District hrang hrang leh Aizawl Veng thenkhata Critical Life Skills and Occupational Skill Development Programme tia lo kal chhohpui tawh chhunzawm zelna a ni a; tuna Edenthar Veng, Aizawl a Model Centre hawn hma hian he Skill Training-a Job Role hrang hrang atangin mi 482 chu hlawhtling taka training chhuak an lo awm tawh a ni.

School Education Department Director Pi Angela Zothanpuii chuan Mizoram chu zia leh chhiar tam lamah zaa 98.2 a kai tawh a, India ramah zia leh chhiar thiam vek ni hmasa ber State a ni tih a sawi a, Literacy piah lama eizawnna leh hmasawnna atana pawimawh chi hrang hrang atan a theih ang anga hma lak zel a ngaih thu leh chutah chuan Skill Training chu a pawimawh thu a sawi a. Hmun hrang hrang atanga dil an awm laiin Edenthar Veng, Aizawlah hian Skill Training hi hlawhtling taka kalpui theih a nih beiseina avangin Model Centre hi hawn a nih thu a sawi.

Hemi atana Local Level Committee hruaitute leh Trainer leh Trainee-ten theih tawp chhuaha hma lak a nih ngei a beisei thu te, zirlaite pawhin eizawnna tlak ngeia taima taka an zir ngei a duh thu sawiin, tunlai khawvelah chuan Skill Development hi ngaih pawimawh a nih bakah eizawnna ngelnghet neih nan pawha thil tul leh tangkai tak a ni tawh a; kum thar lamah phei chuan zau zawk leh changtlung zawka kalpui theih an inbeisei thu a sawi bawk a ni.

He Skill Training Model Centre hnuaiah hian Job Role chi hrang hrang Cane & Bamboo Works, Tailoring, Electric/House Wiring, Baking Technology, Pickle & Jam making leh Critical Life Skills zir tur a ni a, a hawnnaah hian Training kalpui dan tur chi hrang hrang Local Level Committee, Trainer leh Trainee te tan inzirtirna sensitization neih nghal a ni bawk.



PLASTIC FREE CITY CAMPAIGN

Aizawl Chawnpui Veng chuan Faina beihpui an kalpuina kal zelah ram leilung venhim nan Plastic Bottle an leikhawm.

Chawnpui Branch YMA hnuaia “Faina Beihpui Komiti” chuan faina beihpui an kalpui mekah nimin khan Plastic Bottle leh Sarang chu Kg 1 cheng 30 zelin an leikhawm a, nilengin leikhawm hun an hawng a, kg 150 chuang an lei khawm a, heng Plastic bottle ruak leh Sarang thahnem tak an lei te hi paih mai lovin a theih chinah thil tangkai tak siam nan hman dan an ngaihtuah dawn a ni. Chawnpui Branch YMA hruaitute chuan he an thil tih hian ram leilung chhe zel tur venna tur

leh luia nungcha chereu zel tur venna atan leh, kumtin a thleng thin leimin nasa tak venna kawngah engemaw chen chu a puih ngei an beisei tih an sawi a ni.vengchhung mi ꯊhahnemngai ten cheng nuai hnih chuang an thawhkhawm aꯔangin kawng hrang hrangin hma an la tih an sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BIHAR ELECTION

Tukin dar 7 atang khan Bihar assembly inthlan thawh khatna atan vote thlak tan a ni a, district 18 huamchhunga assembly bial 121-ah mipuiin an aiawh tur thlangin vote an thlak a ni.

Thawh khatnaah hian candidate 1314 awmin vote nei mi vbch 3 leh nuai 75 an awm a, candidate zingah hian hmeichhia 122 bakah mipa atanga hmeichhiaa inlet, transgender 1, Priti Kinnar-i te an tel a ni. Candidate langsar zual zingah minister ni lai 16 bakah Dy Chief Minister 2 an tel a ni.

Tangrual pawl NDA atangin JD(U)-in seat 57 an chuh a, BJP-in seat 48, LJP (Ram Vilas)-in seat 14, Rashtriya Lok Morcha-in seat 2 an chuh a ni. Eptu party tangrual pawl, Mahagath Bandhan atangin RJD-in seat 73 an chuh a, Cong-in seat 24, CPI(ML)-in bial 14 an chuh bawk a, party thar, Jan Suraj Party-in candidate 119 an nei bawk a ni.

<><><>

UP

Uttar Pradesh-ah nimin khan Mirzapur-a Chunar Rel Station-ah Kalka-Howrah Mail rel-in sakhaw thila zin mi 6 a chil hlum. Dist. Magistrate, Pawan Kumar Gangwar-a’n a sawi danin, sakhaw hun pawimawh hmang turte phurtu Gomoh-Prayagraj Barwadih rel chuan zing dar 9:15 velah Platform No. palina a thleng a, khualzinte chu Platform No. 4-ah nilovin a leh lam atanga chhukin rel kawng atangin Platform No 3-na lam an pan a, kawng an kan fel hma-in Kalka Mail rel hian a chil ta a ni.

<><><>